

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), u realizaciji obaveza iz člana 3. tačka o) alineja 4. Programa utroška sredstava Budžeta Zeničko-dobojskog kantona za 2020. godinu planiranih na razdjelu Ministarstva za boračka pitanja, broj: 02-11-1280/20 od 23.01.2020. godine, na prijedlog Ministarstva za boračka pitanja, Vlada Zeničko-dobojskog kantona na 43. sjednici, održanoj dana 14.02.2020. godine, d o n o s i

ZAKLJUČAK

I.

Usvaja se Program poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima, Ministarstva za boračka pitanja, koji čini sastavni dio ovog zaključka.

II.

Sredstva za provođenje Programa iz tačke I. ovog zaključka isplatit će iz Budžeta Zeničko-dobojskog kantona 2020. godinu („Službene novine Zeničko-dobojskog kantona“, broj: 24/19), sa razdjela 24 - Ministarstvo za boračka pitanja, budžetska organizacija 01, potrošačka jedinica 001, ekonomski kod 614200, subanalitika OAD 222 - “Transfer za poticaj zapošljavanja branilaca i članova njihovih porodica“.

III.

Za realizaciju ovog zaključka zadužuju se Ministarstvo za boračka pitanja i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Mirza Ganić

Broj: 02-_____/20
Datum, 14.02.2020. godine
Z e n i c a

DOSTAVLJENO:

1x Ministarstvo za boračka pitanja,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO –DOBOJSKI KANTON
MINISTARSTVO ZA BORAČKA PITANJA**

**PROGRAM POTICAJA ZAPOSŁJAVANJA PRIPADNIKA BRANILAČKE POPULACIJE
ZENIČKO-DOBOJSKOG KANTONA PUTEM ZAPOSŁJAVANJA U PRAVNIM LICIMA**

Zenica, februar 2020. godine

SADRŽAJ

1.	DIO PRVI - UVOD.....	2
2.	DIO DRUGI – NOSIOCI REALIZACIJE I SARADNICI PROGRAMA.....	2
	POGLAVLJE I Nosioci realizacije.....	2
	POGLAVLJE II Saradnici u provedbi.....	2
3.	DIO TREĆI - CILJ PROGRAMA I CILJNE GUPE.....	2
	POGLAVLJE I Način ostvarenja cilja.....	3
	POGLAVLJE II Ciljne grupe.....	3
4.	DIO ČETVRTI – SREDSTVA ZA REALIZACIJU PROGRAMA.....	3
	POGLAVLJE I Osiguranje sredstava.....	3
	POGLAVLJE II Iznos odobrenih sredstava po korisniku.....	3
	POGLAVLJE III Način raspodjele sredstava po gradu/općinama.....	4
5.	DIO PETI - NAČIN REALIZACIJE PROGRAMA.....	4
	POGLAVLJE I Opći kriterij za izbor korisnika.....	5
	POGLAVLJE II Potrebna dokumentacija.....	5
6.	DIO ŠESTI – OBAVEZE NAKON ODOBRAVANJA SREDSTAVA.....	6

1. DIO PRVI - UVOD

Programom utroška sredstava Budžeta Zeničko-dobojskog kantona za 2020. godinu

planiranih na razdjelu Ministarstva za boračka pitanja broj: 02-11-1280/20 od 23.01.2020. godine predviđeno je donošenje Programa poticaja zapošljavanja pripadnika branilačke populacije Zeničko-dobojskog kantona.

Programom poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima (u daljem tekstu Program) utvrđuju se korisnici, uvjeti i način ostvarivanja prava na poticajna sredstva za zapošljavanje branilačke populacije. Sredstva su osigurana u Budžetu Zeničko-dobojskog kantona za 2020. godinu na razdjelu 24, budžetska organizacija 01, potrošačka jedinica 001, ekonomski kod 614200, subanalitika OAD 222 – “Transfer za poticaj zapošljavanja branilaca i članova njihovih porodica“ Ministarstva za boračka pitanja (u daljem tekstu Ministarstvo).

Sredstva poticaja koristiti će se za isplatu troškova i naknada pravnim licima vezanim za zapošljavanje pripadnika branilačke populacije, a koja zadovoljavaju kriterije propisane ovim Programom, odnosno javnim pozivom.

Program je planiran za 2020. godinu.

2. DIO DRUGI – NOSIOCI REALIZACIJE I SARADNICI PROGRAMA

POGLAVLJE I Nosioци realizacije

Nosioци realizacije Programa su: Ministarstvo za boračka pitanja Zeničko-dobojskog kantona i gradska/općinska služba nadležna za boračko-invalidsku zaštitu (u daljem tekstu gradska/općinska služba) putem Javnog poziva.

POGLAVLJE II Saradnici u provedbi

1. Općina Breza
2. Općina Doboj Jug
3. Općina Kakanj
4. Općina Maglaj
5. Općina Olovo
6. Općina Tešanj
7. Općina Usora
8. Općina Vareš
9. Grad Visoko
10. Općina Zavidovići
11. Grad Zenica
12. Općina Žepče
13. privredni subjekti
14. nadležne službe za zapošljavanje

3. DIO TREĆI - CILJ PROGRAMA I CILJNE GUPE

Cilj ovog Programa je smanjenje stope nezaposlenosti branilačke populacije, odnosno rješavanje pitanja egzistencije pripadnika branilačke populacije i članova njihovih porodica, te poboljšanje ukupne socio–ekonomske slike lokalnih zajednica i ZDK u cjelini.

POGLAVLJE I Način ostvarenja cilja

Odobranje novčanih sredstava pravnim licima i poslovnica pravnih lica registriranim na području ZDK, u svrhu zapošljavanja pripadnika branilačke populacije, a po podnešenim

zahtjevima pripadnika branilačke populacije.

POGLAVLJE II Ciljne grupe

1. Dobitnici ratnih priznanja i odlikovanja.
2. Ratni vojni invalidi.
3. Demobilizirani branioci, koji su u Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine osim lica koja su u OS pristupili kao maloljetni ili neposredno po punoljetstvu, a sa minimalno 12 mjeseci provedenih u OS RBiH.
4. Djeca poginulih branilaca do 35 godina života, djeca umrlih RVI i djeca umrlih nosilaca najvećih ratnih priznanja, do navršene 30 godina života.
5. Udovice poginulih branilaca, korisnice porodične invalidnine.
6. Udovice ratnih vojnih invalida koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine i koja je sa istim živjela u braku najmanje dvije posljednje godine dana prije smrti.
7. Djeca umrlih demobiliziranih branilaca koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine koja su sa istim živjela u zajedničkom domaćinstvu ili ga je isti izdržavao najmanje posljednju godinu dana prije smrti, do navršenih 30 godina života.
8. Udovice umrlih demobiliziranih branilaca koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine i koja je sa istim živjela u braku najmanje dvije posljednje godine dana prije smrti.
9. U posebnim slučajevima ministar Ministarstva može uključiti u ovaj Program i demobiliziranog branioca, koji je u Oružanim snagama RBiH proveo manje od 24 mjeseca, ali ne manje od 18 mjeseci u periodu od 06.04.1992. do 23.12.1995. godine.

4. DIO ČETVRTI – SREDSTVA ZA REALIZACIJU PROGRAMA

POGLAVLJE I Osiguranje sredstava

Ministarstvo sufinansira projekat u iznosu od 400.000,00 KM na osnovu člana 3. tačka o) alineja 4. Programa utroška sredstava Budžeta Zeničko-dobojskog Kantona za 2020. godinu planiranih na razdjelu Ministarstva za boračka pitanja broj: 02-11-1280/20 od 23.01.2020. godine, a u skladu sa dinamikom priliva budžetskih sredstava i brojem opravdanih zahtjeva, a o čemu odluku donosi ministar Ministarstva.

POGLAVLJE II Iznos odobrenih sredstava po korisniku

Za privredne subjekte visina sredstava na ime zapošljavanja osobe iz poglavlja II, dio treći ovog Programa iznosi:

- za osobu sa NK, KV, SSS, VŠS, 7.200,00 KM po jednom novozaposlenom radniku;
- za osobu sa VSS 8.400,00 KM po jednom novozaposlenom radniku.

Zapošljavanje po ovom Programu ne može trajati manje od 24 mjeseca, osim u posebnim slučajevima, u skladu sa pozitivnim zakonskim propisima.

POGLAVLJE III Način raspodjele sredstava po gradu/općinama

Sredstva se okvirno raspoređuju u skladu sa Programom utroška sredstava Ministarstva

usvojenim Zaključkom Vlade Zeničko-dobojskog kantona broj: 02-11-1280/10 od 23.01.2020. godine; u skladu sa procentualnim učešćem pripadnika branilačke populacije na teritoriji općine/grada u odnosu na ukupan broj pripadnika branilačke populacije na teritoriji Kantona. Raspodjela sredstava određena je i brojem zahtjeva pripadnika branilačke populacije određene općine, ekonomskom razvijenošću općine/grada, te ostalim društveno-socijalnim elementima.

U slučaju nedovoljnog broja opravdanih zahtjeva u jednoj općini/gradu, sredstva namijenjena toj općini/gradu mogu se koristiti za finansiranje Projekata zapošljavanja i samozapošljavanja u drugim općinama/gradu.

5. DIO PETI - NAČIN REALIZACIJE PROGRAMA

U cilju realizacije te efikasnijeg provođenja Programa Ministar Ministarstva donosi Instrukciju koja se dostavlja općinskoj/gradskoj službi.

Aplikanti su dužni predati prijavni obrazac (koji propisuje Ministar) uz potrebnu dokumentaciju općinskoj/gradskoj službi.

Općinska/gradska komisija, u sastavu od najmanje tri člana, koju imenuje načelnik/gradonačelnik dužna je:

1. po prijemu Instrukcije Ministarstva raspisati javni poziv za podnošenje zahtjeva za namjene poticaja zapošljavanja;
2. pregledati prijave i izvršiti provjeru da li je dostavljena sva dokumentacija koja je javnim pozivom tražena (**nepotpune prijave se neće uzimati u razmatranje**);
3. aplikante čiji je zahtjev ocjenjen neurednim, neblagovremenim i/ili nepotpunim gradska/općinska služba će obavijestiti o istome.
4. pozvati aplikante koji imaju urednu dokumentaciju da preuzmu Ugovor o zapošljavanju (Ministarstvo – općina/grad - poslodavac – pripadnik branilačke populacije);
5. nakon dostave ovjerenog ugovora od strane poslodavca i aplikanta, uz dokumente pribavljene od poslodavca formirati konačnu listu uspješnih kandidata;
6. Konačnu listu objaviti na oglasnoj ploči općine/grada;
7. Konačnu listu uz kompletirane zahtjeve prosljediti Ministarstvu na daljnje postupanje.

Ministarstvo će formirati komisiju, posebnim rješenjem ministra Ministarstva, za provođenje ovog postupka, u sastavu od najmanje 3 člana.

1. Prilikom obrade predmeta Komisija Ministarstva može tražiti dodatne dokaze.
2. U slučaju da Komisija Ministarstva ocjeni zahtjev neutemeljenim, izvršiti će se povrat predmeta nadležnoj općinskoj/gradskoj službi. Nadležna gradska/općinska služba nakon povrata takvog predmeta obavijestiti će aplikanta o odbijanju zahtjeva.
3. Kandidati čiji je zahtjev odbijen imaju pravo prigovora u roku od 8 dana od prijema istog i isti se Ministarstvu podnosi putem nadležne gradske/općinske službe.
4. Na prijedlog Komisije Ministarstva Odluku o odobravanju sredstava za zapošljavanje donosi ministar Ministarstva.
5. Odluka o odobravanju sredstava podrazumijeva isplatu sredstava za navedenu namjenu počev od dana prijave radnika nadležnoj poreskoj upravi.

Isplate sredstava poslodavcima vršiti će se putem općinske/gradske službe, u najviše dvadesetičetiri mjesečne rate. Sredstva će se nakon zaključenja Ugovora o zapošljavanju iz ovog člana transferirati općinama u tri rate ili u cjelokupnom iznosu.

POGLAVLJE I Opći kriterij za izbor korisnika

Opći kriteriji za odobravanje bespovratnih sredstava na ime zapošljavanja osoba iz poglavlja II, dio treći ovog Programa su:

a) za fizičke osobe:

- da se nalaze na evidenciji nezaposlenih osoba kod službe za zapošljavanje ZDK;
- da zahtjev za sufinansiranje zaposlenja ne podnose radi zasnivanja radnog odnosa u prethodnom pravnom licu zaposlenja; izuzev ako je radni odnos u predmetnom pravnom licu pretao protekom više od 12 mjeseci;
- prebivalište na teritoriji ZDK u trajanju od najmanje 24 mjeseca prije podnošenja zahtjeva, (za lica koja su mijenjala prebivalište najmanje 12 mjeseci prije podnošenja zahtjeva, ukoliko su imali prebivalište na području kantona u trajanju od 24 mjeseca prije promjene mjesta prebivališta), osim povratnika u RS;
- izmirene poreske obaveze.

b) za pravne osobe:

- uredna registracija privrednog društva;
- ispunjenosti obaveza u vezi sa plaćanjem direktnih i indirektnih poreza; penzionog i invalidskog osiguranja i zdravstvenog osiguranja;

POGLAVLJE II Potrebna dokumentacija

Dokumenti koje dostavljaju podnosioci zahtjeva za dodjelu bespovratnih sredstava na ime zapošljavanja su:

a) za fizičke osobe:

- zahtjev za bespovratna novčana sredstva;
- uvjerenje (rješenje) o statusu pripadnika branilačke populacije;
- ovjerena kopija lične karte;
- prijava prebivališta/boravišta (CIPS);
- uvjerenje o kretanju;
- uvjerenje sa evidencije nezaposlenih;
- obrazac JS 3650 (Informacija o uplaćenim doprinosima) izdat od nadležne Poreske uprave;
- uvjerenje nadležne Poreske uprave o nepostojanju poreskih obveza.

Nakon pregleda prijave od strane gradske/općinske Komisije, podnositelj zahtjeva preuzima neovjeren Ugovor o zapošljavanju koji je dužan nakon ovjere od strane poslodavca dostaviti općinskoj/gradskoj službi, uz sljedeću dokumentaciju o poslodavcu:

b) potrebna dokumentacija za pravne osobe:

- dokaz o ispunjenosti obveza u vezi sa plaćanjem penzionog, invalidskog osiguranja i zdravstvenog osiguranja;
- dokaz o ispunjenosti obaveza u vezi sa plaćanjem direktnih i indirektnih poreza, u skladu sa važećim propisima.

6. DIO ŠESTI – OBAVEZE NAKON ODOBRAVANJA SREDSTAVA

Nakon zaprimanja Ugovora o zapošljavanju potpisanog od strane Ministarstva poslodavac je dužan Ministarstvu dostaviti kopiju prijave na obavezna osiguranja (JS3100), te kopiju Ugovora o radu sklopljenog sa podnosiocem zahtjeva.

Obaveza poslodavca je da zaposlenu osobu po Programu zadrži u radnom odnosu najmanje 2 (dvije) godine.

Podnosioc zahtjeva dužan je uredno izvršavati obaveze iz potpisanog Ugovora o radu.

PREMIJER

Mirza Ganić

Broj: 02-_____/20

Datum, 14.02.2020. godine

Z e n i c a

DOSTAVLJENO:

1x Ministarstvo za boračka pitanja,

1x Ministarstvo finansija,

1x a/a.